

欽定剿平三省邪匪方略

欽定剿平三省邪匪方略正編卷二百九十三

壬戌年

正月初一日

癸酉

惠齡長麟奏言

臣

等先後馳抵

武功縣屬之扶風鎮接據署寧陝鎮總兵副將

韓自昌報稱探知賊匪有東竄山陽之信卽帶

兵繞至東北向西南抄截賊匪知東面有兵卽

折向西南雙溝腦一帶狂奔韓自昌督催兵勇

緊躡追剿二十日賊匪奔入鎮安屬之焦圍溝

老林佔踞山梁恃險迎敵韓自昌督率兵勇分
路搶上賊匪抵死抗拒有武生伍敏軍功毛貴
不避危險奮力仰攻殲斃賊匪五六十名生擒
執旗賊目李正並矛手十六名立時戮斃賊匪
敗潰竄入老林兵勇緊追搜捕賊匪自相擁擠
落崖跌斃者又有三十餘人生擒二十四名奪
獲旗幟鳥鎗賊矛驢馬甚多該匪卽折回鎮安

五郎交界一帶向西北奔竄此次共計擒殺賊
匪一百餘名訊據活賊孫踞官等供稱此股賊
匪有五六百餘人係宋憲伏及李貴成二人爲
首由四川竄入西鄉漢陰交界偷渡江北當將
正賊孫踞官等十七名正法其餘被裹難民移
交地方官安插韓自昌珥仍帶兵緊躡適提督
楊遇春亦於二十日馳抵鎮安由孝義舊縣關

一帶進兵自東北向西面兜截查該匪不過剩
有四五百餘人楊遇春韓自昌旣趕上賊蹤兩
面夾擊無難於日內全殲殲滅至辛聰賊匪先
有一百餘人折竄黑河光化山等處臣等已委
副將齊郎阿都司蘭福趕往剿辦並調鞏秦陽
道朱爾漢遊擊七十九迅赴甘肅邊界防堵茲
據報稱該道等已於二十三日帶兵趕抵徽縣

是甘肅邊界已有準備此外尙有辛聰餘匪仍
在南山內北面一帶竄逼近威寧縣屬之小
峪口福峪等處現有副都統慶溥通判惟昂分
投追剿亦無難尅日掃除惟辛聰餘匪旣已竄
近各峪口宋應伏股匪現由鎮安折向西北奔
竄勢亦必由五郎四畝地金雞河一帶竄入南
山北面老林現在各峪口並無兵備

臣等或慮

由子午峪入山督催剿辦或應卽在南山北面
策應防堵並可兼顧甘肅之處容俟馳抵子午
峪察看賊匪趨向再行相機辦理奏入

上命軍機大臣傳諭惠齡長麟曰惠齡長麟奏漢陰
渡江賊匪首逆宋應伏李貴成經副將韓自昌截
回殲擒賊匪一百餘名不至再向東趨元旦得此
佳信川陝各股賊匪必能卽日殄平覽奏實爲欣

慰現在殘匪只有四百餘人韓自昌帶兵緊蹙提督楊遇春亦由孝義舊縣關一帶自東北向西南兜截正可兩面夾擊慰齡長麟務當督催楊遇春韓自昌等上緊截剿迅速殲除竚望捷音踵至副將韓自昌督率兵勇分路搶上山梁殊爲奮勇武生伍敏軍功毛貴奮力仰攻均屬出力俟此股賊匪剿盡後著惠齡等保奏候朕酌量加恩至此

偷渡漢江賊匪係宋應伏李貴成爲首該二逆自
係川省敗竄之賊但節次經畧叅贊所報賊匪從
未奏及該二逆姓名究係從川省何股賊匪內分
出由何處卡隘逸入如拿獲活賊務須訊明二逆
來蹤遇便覆奏再辛聰餘匪現在南山內北面一
帶奔竄據奏慶溥維昂分投追剿應卽飭令迅速
殲除此股爲數雖屬無多有首逆辛聰在內勿令

倖逃漏網爲要至五郎地方早經添設總兵其南山各隘口亦添派兵弁分段駐守前據長麟等奏添設營房因一時未能建蓋早有旨令長麟等酌蓋窩棚暫令兵士棲止何以現又稱各峪口尙無兵備竟與未設鎮以前無異豈長麟前次奏稱安營設汛之語竟屬空談並未辦理耶此係長麟任內之事與惠齡無涉著惠齡將此一節查明據實

覆奏長麟此時自不應急於回京仍當在彼幫辦一切現在江北竄匪未經剿淨惠齡初到陝省所有南山一帶情形長麟較爲熟悉自應與惠齡同在一處將剿捕機宜并總督任內應辦事件面爲交代總俟江北南山零匪悉數剿淨長麟即可回京養親不必俟大功告竣也

初二日甲戌惠齡長麟奏言臣惠齡由省起程於

二十一日馳抵鳳翔臣長麟當將印篆卷宗委

員移送臣惠齡卽於二十三日接印任事途次

聞有賊匪一股由漢陰渡江臣長麟已札商提

督楊遇春並飭派署寧陝鎮韓自昌前往截剿

伏查此股賊匪於竄過江北之後臣長麟卽經

飛飭漢陰廳確查賊匪偷渡處所及防江員弁

以憑咨呈經畧來奏茲據查明此股賊匪係由

川省竄入陝省西鄉漢陰交界從段江石偷渡
過江防守段江石把總黃大勇業經陣亡統轄
防江大員係涼州鎮總兵劉瑞因在石泉防堵
聞信趕至賊匪業已偷渡北竄但係該總兵統
轄汛地相應請

旨將總兵劉瑞革職俟報明經畧另派防江大員更
替卽將劉瑞就近解赴漢中交撫臣陸有仁審

訊辦理再查賊匪竄過江北於十四日竄至孝
義屬經護鎮安營遊擊馬世勲孝義營都司馬
進署孝義同知孫樹各帶兵勇分投截擊卽於
十四日在孝義老菴地方與賊接仗殺賊十餘
人生擒三名解送孝義廳審訊該匪被剿後已
於十八日竄入商州有奔山陽之勢韓自昌已
追及賊蹤並據探報楊遇春將辛聰殘匪交副

都統慶溥通判雒昂專辦楊遇春已於十四日
由華陽向鎮安一帶進兵自係親往剿辦過江
賊匪計此時已可趕至山陽商州一帶又據陞
有仁札稱一聞賊匪過江卽移會總兵穆克登
布汪啟馳往剿辦臣等並已先後飛咨河南湖
北督撫鎮臣一體嚴密防堵臣惠齡長麟卽日
自鳳翔起身由商州北面一帶入山督催剿辦

現在辛曉賊匪被剿情急分股四竄十二月十八日有一百餘人仍由黃柏園竄出南山奔入黑河餘匪尙在山內臣長麟恐慶溥維昂不能分兵已另派副將齊郎阿都司蘭福趕赴黑河截剿並飛飭鞏秦階道朱爾漢遊擊七十九在甘境一帶嚴密防堵臣惠齡又復飛催該將等務須趕緊剿辦實力搜捕以期淨盡

同日陸有仁奏言前自漢陰過江之賊由鎮安之栗札坪竄至孝義防守都司馬進署同知孫樹等分領兵勇截剿殲獲賊匪十五六名賊向藍田屬之高橋等處竄逸馬世勲卽由鄧家河一帶扼截楊遇春因此股賊匪亟須先爲剿辦已將辛逆專交慶溥維昂兩路兵勇辦理自卽帶兵由鎮安栗札坪趕往督辦署將軍祥保接

臣咨會亦已挑派官兵馳赴藍田以杜賊竄東北之路署總兵韓自昌由孝義馳往會剿慶成復派令叅將吳亨衍帶兵協擊計此時祥保所派滿漢官兵及韓自昌所帶兵勇均可抄出賊前楊遇春所帶勁旅亦卽緊蹙前進兼以山內各寨勇於賊到之處合力轟擊聲勢極爲聯絡諒此殘敗餘氛無難卽時殲洗不致蔓延東趨

查此股賊匪前由段江石地方竄過江北先據漢陰屬稟報該處係紫陽漢陰交界

臣

以總兵

汪啟近在紫陽且距賊竄之路較近是以咨會

該鎮迅速馳剿嗣據查明段江石地方上游係

劉瑞汎地中隔一石下游係汪啟汎地前次堵

剿陣亡之把總黃大勇實係劉瑞所派之弁

臣

業已札致額勒登保核辦其辛逆賊匪現與賊

日劉永受分股奔逃辛逆已竄至棧西之鐵爐
川一帶劉永受率衆約三百數十人竄至寧陝
曲家溝經通判雒昂趕到殲擒一百餘名奪獲
鳥鎗刀矛甚多餘匪向茱子坪竄逸雒昂現在
緊追搜剿臣復飛咨慶溥趕緊前赴棧西截剿
辛逆一股諒亦不難撲滅又苟逆賊匪因經畧
叅贊兩路大兵追剿緊急由巴州折竄通江瀘

勒登保由竹峪關扼截聞德楞泰之兵已由南路趕近賊蹤日內即可兩面緊逼痛加剿洗至各路官兵糧餉臣督飭源源運供不敢稍有缺誤新任督臣惠齡現由棧道前來漢中臣俟接見後所有善後事宜自當面商妥辦均奏入

上命軍機大臣傳諭惠齡長麟陸有仁曰昨日遞到該督等奏報係在此摺之後已據查明首逆未應

伏李貴成業經副將韓自昌帶兵截回不致東竄
提督楊遇春亦由孝義舊縣一帶向西南兜截當
卽諭令惠齡長齡督催楊遇春韓自昌等奮力截
剿迅速殲除其南山內辛聰餘匪亦著飭令慶溥
維昂分投追剿至疎防竄越江北賊匪前據陸有
仁奏胡定泰派委守備李芳帶領鄉勇往撲賊營
未能得手迨胡定泰帶兵追往該匪已折回段江

石地方踰淺過江等語是以降旨令額勒登保查
明政縱緣由傳旨將胡定泰李芳革職今惠齡等
摺內入稱賊匪從段江石偷渡過江統轄防江大
員係涼州鎮總兵劉瑞請旨革職與陸有仁前奏
不符且本日陸有仁摺內僅稱段江石係劉瑞所
設汛卡而於前奏指稱胡定泰係屬錯誤之處並
未據實聲明若卽將劉瑞革職或恐稍有屈抑劉

瑞者解任交陸有仁先行訊問俟額勒登保查明
竄匪如果由該鎮所轄汛地逸出自必秉公叅奏
另派防江大員更換彼時再將劉瑞革職審辦亦
不爲遲再陝省現值剿捕將竣之時糧餉關係緊
要上年十二月初五日據陸有仁請截留甘省例
餉銀二十萬兩業經降旨允准并另撥淮餉二十
萬兩解還甘省陝省得有此項餉銀倍爲寬裕於

一切應付供支務須源源接濟俾士馬飽騰厥功
迅速爲要

初四日丙子慶成奏言臣前因探聞苟逆股匪由

川境東竄額勒登保督兵進至通太地方恐剿
餘匪復奔陝境隨即帶兵由漢南沿卡督飭扼
截途次探知辛劉賊匪北竄經提督楊遇春在
棧東剿殺後分出一股西折本月十七日逾棧

竄入黑河一帶滋擾查黑河西通甘省徽成等

路最多臣先派遊擊李朝顯騎都尉邢承誥等

抽帶兵勇由沔寧持徑抄出西南緊顧嘉陵白

水二江竄徑並嚴飭防堵畧陽弁兵併力向南

追剿如該匪復由原路回竄臣正可乘機剿殺

一面飛傳各防卡探照截剿一面令遊擊張泰

廷鄰司張起鰲等各帶領步隊由老林沿邊探

蹤伏候邀擊

臣

自帶馬隊馳往沔寧一帶迎剿

旋據遊擊李朝顯等稟稱獲賊匪周登明一名訊

係辛聰一股賊匪自辰溪東與劉永受分夥折回

黑河探知西路有兵截來卽商議由原路銜突

沿邊營卡入川等供因恐賊匪知

臣

之兵迎頭

前往復思折退遊擊李朝顯等兵力不足遏其

西竄是以卽在板蒼壩堵紮俟賊竄出沔境以

南剿殺該匪等日倚老林屯歇夜出大道潛奔
行人猝不及防一路擄掠殘害搶奪騾馬甚多
二十四日夜間由鐵鎖關頭至寧廣交界之礪
橋溝屯紮度其不能西折隨飛催遊擊張奉廷
都司張起鰲等兵勇速由老林繞進臣卽帶馬
隊馳扼礪橋溝口張奉廷等帶弁兵自山梁下
壓張起鰲等帶鄉勇由老林溝內突出賊匪猝

不及防奔逃老林兵勇直入賊夥往來衝殺立斃賊匪八九十人殘匪爬上老林守備李行正李如緒千總劉經馬忠良等追殺入林又斃賊五六十人生擒五十一名並賊旗鳥鎗等件查活賊內有曾大掌櫃係辛聰之師被軍功李雲用矛連戳腰膂滾坡擒獲又僞總兵張天潮帶手下二十餘人未防兵勇突入驚慌不及拾拏

器械跪求投出其沿路新擄民人俱項拴繩鎖凍餒難堪一見官兵人人號哭不已隨即查明釋放訊據曾大掌櫃名曾賢章係襄陽府宜城縣人嘉慶元年父親曾世因習教被拏處死投入齊二寡婦營內後與張添倫一起本年冬間會合劉起榮長子劉元帥由古城山板蒼壩出沔畧黑河往棧東去遇見官兵與辛元帥帶三

百餘人折回黑河要到甘肅捨馬探知西路有
兵堵截卽由原路過來到礮橋溝歇息被官兵
拏住等供查曾賢章爲襄陽起手之賊父子相
繼傳教已屬罪人惡極又與各首逆同惡相濟
抗拒官兵自應訊明卽行凌遲處死除從賊日
久之矛手宋林山等三十餘名先行分別正法
外其曾大掌櫃卽令弁兵小心管解漢中札知

當詳加察看如張天潮等情跡稍涉可疑當立予正法若該犯等委係誠心投順亦不過貸其一死應卽量給盤費遣回原籍安插勿任滋事

初七日己卯額勒登保奏言查苟逆股匪由樊噲

店渡口巖向東南逃竄臣恐該匪折向西趨是

以於二十一二等日率同札克塔爾等由官渡一帶進發以備截剿旋據報稱該匪已由櫻桃

堽月亮坪竄回開縣六寧界內東趨臣查該匪

被剿之後所剩已不過千餘人德楞泰帶兵緊

躡而前並有臣派往協剿之豐紳一路官兵聲

勢壯盛若再趕上剿殺一二次必即完竣臣若

又率師向東追剿前進則西北一帶空虛現在

通南一帶有李彬張魏及各零匪未盡剿除亦

不可顧彼失此是以臣不復向東進發遂於附

近一帶偵探零匪趕緊剿捕二十三日晚間據民人報稱有零匪二百數十人由開縣境內竄來在爆通山王家坪屯紮遂令札克塔爾楊芳及副將張瑗蕭福祿等各帶兵勇分路進剿

臣

亦卽由厥溪而進詎賊匪聞有兵來紛紛肆竄各將弁兵勇分投追殺斬獲二三十人及十數人不等又有零匪二十餘人竄至厥溪後山亦

經臣飭派兵勇拏獲訊據各犯供稱係王山餘

匪一百餘人向依附劉潮選等奔走因官兵追

剿緊急復糾合劉朝選股內戰手百餘人共有

二百餘人向山內奔逃等供臣遂將所獲賊犯

馮學明等四十五人分別凌遲正法訖所有被

剿竄走之賊尙有一百餘人仍令張瑗蕭福祿

李東宣等率領兵勇尋蹤剿捕二十五日於

據稱係苟文明股內之人十五日被官兵於劉
家壩衝散僞總兵曹世倅帶領二百餘人向傅
家山逃遁要探聽正股合夥曹世倅已被官兵
殺死等供臣飭令將矛手羅開蘭等七十五名
正法其餘二十七名係被脅未久之人卽解往
原籍安置又據總兵田朝貴道員劉清先後報
稱張魏賊匪自初五日被剿之後於鹿子廟黃

栢亞平河柴家溝一帶輾轉奔逃田朝貴帶領官兵探蹤截擊十四日早間於天地寨殺斃三十餘人擒獲五十六名餘匪向廣元之三家壩逃竄道員劉清因在百丈關查辦團勇事務相距不遠派令鄉勇截剿殲斃百餘人生擒五十餘名賊匪竄往董家梁一帶是日夜間仍令鄉勇前往掩擊又殺斃五十餘名生擒五名鄉勇

陣亡十數名田朝貴現由三會場截剿臣已諄

飭該鎮道等務須顧住西南營儀一帶安商剿

辦以期卽日殲除至田朝貴前次拏獲賊犯有

老掌櫃張添倫身受鎗傷藏匿林箐之供該鎮

差人前往查驗業已身死將首級割解前來當

卽令人辨認據稱係張添倫之弟張添祿又名

張小祿充當元帥亦係緊要賊目臣復經飭知

田朝貴等務仍將張添倫留意拏獲無任漏網

再臣於二十二日接據陝境稟報近有零匪三

百餘人於初四日夜間由紫陽之木梓河段江

石竄過漢江北岸臣當卽飛行知會楊遇春慶

溥分帶官兵速赴該處緊要傾東北截剿勿令遠

颺二十六日又據陝安道朱勲報稱楊遇春所

剿由寧羌竄出之辛聰等匪由棧道竄往南山

楊遇春於留壩之黃家場得獲勝仗餘匪四百
餘人竄近秦嶺楊遇春因聞有零匪竄過江北
恐其乘間東趨卽酌量緩急將辛聰股匪交慶
溥率同叅將佟福通判維昂帶領兵勇剿辦楊
遇春由石泉寧陝進剿過江之賊約計兩股賊
匪不過八九百人皆可計日殲除不能稍有滋
蔓

額勒登保又奏言本月二十二日接據慶成來
信初五日有賊匪數百人竄過漢江北岸等情

臣

正在飛行飭查間茲於二十六日據防守五

黑壩之總兵胡定泰專差兵丁賁稟到營

臣當

卽查閱來稟並將該兵丁嚴加詰訊據稱初一

日晚間探有一股零匪三百餘人由觀音堂老

南山竄至廟溪河木竹山一帶胡鎮於是日晚

間帶兵起程初二日至觀音堂初三日至老南山是日發兵赴廟溪河乘夜進擊該匪已由臘溪河碾子埡向江岸亡命奔逃官兵追至碾子埡天色已晚次日帶兵往追該匪又竄往上七里連夜奔向木梓河而進胡鎮因相距已遠不復跟追賊匪從段江石衝卡竄過江北等語又據防守柳溪江岸之總兵劉瑞稟稱初五日據

遊擊龔鐸差報有賊匪三百餘人乘夜竄至木梓河段江石躡淺過江北岸防守把總黃大勇帶兵七十名截擊黑暗中受傷陣亡兵丁傷亡數名其餘被賊衝散遊擊龔鐸在漢王城防守聞信帶兵策應賊口竄過劉瑞在柳溪相隔一百二十里卽帶兵由江北三岔河抄截等情

臣

查刻下零匪肆竄恃各營卡官兵聯絡剿捕乃

能速期淨盡節次飛牌傳飭此次零匪僅三百
餘人胡定泰帶領兵勇二千餘名在王黑壩等
處分設卡隘堵剿若能奮力截擊必可就地殲
除何致竄過漢江北岸該鎮截剿不力之咎實
無可辭應請

旨將河州鎮總兵胡定泰革職作爲兵丁効力贖罪
以示懲儆至遊擊龔鐸帶兵三百餘名在漢王

城防守段江石係該遊擊分出小卡相距四十里此次賊匪竄過江岸該遊擊未能先事預防又未能迅速接應以致疎虞更有應得之咎應請

旨將汪鳳營遊擊龔鐸革職卽於江岸柳號示衆使防江各員共知儆惕其總兵劉瑞防堵之處相距甚遠已帶兵前往截剿俟該鎮報到如何剿

辦情形 臣 另行查核具奏均奏入

上命軍機大臣傳諭額勒登保曰額勒登保於通南附近一帶探有劉潮選夥匪王山等二百餘人向山內奔竄卽派鎮將等搜捕將零匪剿淨無遺額勒登保以刻下各股殘匪愈剿愈少若以全隊兵勇追奔逐北徒勞無益現已派委將弁分路剿辦所見甚是此時所剩賊匪俱屬敗殘餘燼零星散

竄若專注意一二首逆置餘匪於不辦則該匪等
得以乘間裹脅湊聚又成大股卽如漢陰之賊宋
應伏李成貴向不著名今忽竄越江北爲首滋事
可見烏合之衆本無一定賊首惟有隨時隨地遇
賊卽剿果能將敗黨殲除淨盡其首逆勢孤無所
依附亦斷難漏網現據查明前次田朝貴拿獲之
張添倫實係伊弟張添祿該犯曾充僞元帥亦係

緊要賊首今旣被傷身死賊夥又少一要犯總之
不論何賊以掃除淨盡爲要再苟逆一股經德楞
泰帶兵趕剿自無難尅日辦竣斷勿任其東竄入
楚該省現有戴四崔胡曾樊等逆在彼潛匿該處
帶兵大員剿辦已覺遲緩豈可復令苟逆闌入額
勒登保應卽飛咨楚省防堵苟逆并飭催全保長
齡等上緊將本境之賊速行剿盡勿再延玩又額

勒登保因陝省尙有辛聰股匪及過江之賊未經
辦完飭令寧陝鎮總兵楊芳前赴任所協同剿捕
所辦亦好至前此據陸有仁查明竄越江北賊匪
係胡定泰李芳等疎防當經降旨飭令詳悉嚴查
昨又據惠齡等奏稱賊匪由段江石偷渡統轄大
員係總兵劉瑞祿卽以與陸有仁所奏不符恐稍
有屈抑是以僅將劉瑞解任詢問今據額勒登保

查明竄過江北賊匪僅止三百餘人胡定泰帶領
兵勇二千餘人前往堵剿因相距已遠不復跟追
賊匪遂衝卡過江請將胡定泰革職作爲兵丁効
力贖罪遊擊龔鐸未能先事預防并請革職於江
岸枷號示衆等語此股竄匪實由胡定泰等疎玩
所致著額勒登保親提嚴審如祇係現在所奏情
形卽照原議分別懲辦俟大功告竣再將伊二人

發往伊犁倘有別項畏蕙情節卽當從重定擬具
奏所有胡定泰原帶之兵應派員接管其所遺河
州鎮總兵員缺著於軍營出力應陞人員內保奏
數員候朕簡放至劉瑞在柳溪駐劄距賊一百二
十里該鎮聞賊匪竄越卽帶兵抄截尙無不合劉
瑞著不必解任仍回防堵處所其陸有仁所叅守
備李芳額勒登保摺內未據奏及并著查明該守

備有無疎縱情節一併據實覆奏

欽定剿平三省邪匪方略正編卷二百九十四

壬戌年

正月初八日

庚辰

勘保奏言查楊掌櫃帶領殘匪

四百餘人向墊江梁山一路奔竄適

臣

帶兵迎

截該匪等聞信折回向長壽江北等處奔竄該

境場集居民久已復業賊匪猝至必多驚擾

臣

當卽督同總兵張志林等連日緊躡進剿二十

日申刻行抵長壽江北廳交界之桶井地方探

得賊匪在古路坪屯聚查桶井兩山對峙地勢
高峻距古路坪尙有四十餘里若官兵翻山前
進該匪等必聞信驚逸當飭官兵在山坳暫紮
募食於三更發兵張志林帶同副將李錦麟遊
擊唐際盛夏雲龍等率領兵勇乘夜翻山前往
臣督同侍衛花品塔什拉副將倭星額叅將盧
呈瑞遊擊門繼春王泰等帶兵繼進約五更時

候張志林等行無古路坪賊匪並不知覺賊首
及婦女等俱在場上空屋歇宿精壯戰手四散
在場外露處官兵乘其不備猝至擒殺該匪等
驚覺場外匪衆亡命肆竄屋內所住賊匪亦紛
紛奪路逃走適臣亦帶兵趕到當飭花品塔什
拉倭星額門繼春會同張志林李錦麟等帶領
兵勇分投搜捕斃賊五六十名擒獲男婦一百

七十四名口餘匪乘黑四路奔竄當於活賊內
查出張長德一名訊係首逆張長更之弟李氏
一口係賊首楊掌櫃之妻

臣

親提訊問據張長

德供稱自嘉慶二年四月間與兄張長更同入
老教林亮功夥內張長更充當元帥我充當戰
手後來林亮功被殺我在徐添德夥內管事今
年夏間徐添德在陝西被官兵打敗我就帶六

七十人逃入老林與何贊合夥後來何贊又與楊掌櫃會合共有六七百人從開縣山內出來到忠州地方遇官兵連打兩仗何贊被官兵拿去我與楊掌櫃逃到此間被官兵拿住楊掌櫃不知何往又據李氏供係雲陽縣人丈夫周德上年被徐添德一夥賊匪殺死搶我入營有青號頭人楊姓留我爲妻一路行走有時山裡藏

匿有時出來擄掠等語當將張長德凌遲處死
又訊出僞總兵何祖明旗手譚一連李士奇及
戰手熊美先等八十八名均卽分別正法其餘
蔣申孫李氏等八十一名口俱係附近被脅未
久之人當交江北廳分別遞籍惟楊掌櫃之妻
李氏本係難婦非逆屬可比但既與賊首楊掌
櫃配合日久應暫交巴縣監禁留爲識認逆犯

之用俟此股賊匪殲淨再行遞籍保釋至該股
所剩餘匪計不過二百餘人剿散後分起逃走
一起由茨竹林向合州一路奔竄一起由靜觀
場向江北鎮一路奔竄查兩路均近江岸該匪
雖屬無多倘被偷渡川西終恐滋蔓臣當卽帶
兵由江北王家場悅來渡等處截住沿江之路
飭令張志林李錦麟等向茨竹林一路追躡又

派副將倭星額遊擊門繼春等向靜觀場一路
兜擊該匪等聞官兵分路兜剿不敢竄近江岸
折回隣水縣屬之譚子壩地方合夥張志林倭
星額等兩路官兵追剿沿途擒斬落後賊匪十
數名一二十名不等因連日天氣陰雨山路溼
滑賊匪亡命狂奔官兵未能趕及現在該匪已
向大竹渠縣一路奔竄下游江岸無虞

臣卽帶

兵由隣水趕緊前進督同張志林等迅速追躡
以期將此股竄匪殲淨再查川省教匪滋事以
來地方官勸諭百姓築寨集團堅壁清野連年
頗著成效惟是向時賊勢尙衆百姓僅能憑險
自守能殺賊立功者不過百分之一二近來
官兵各路剿捕賊勢已十去其九臣昨與額勒
登保德楞泰彼此會合預將善後大局通盤籌

畫定議俟辦完大股之賊卽將官兵分段駐劄
搜剿餘匪必俟餘匪淨盡方可徐議撤兵又恐
餘匪零星四散官兵蹤跡難周仍須激勵鄉團
協力搜捕而舊日鄉團祇能各自爲守無官統
率終覺散而無紀難期得力若僅責成本管州
縣則牧令等各有地方應辦事宜勢又不能常
在四鄉辦理一練之事惟有遴委熟悉軍務大

員分路總理其事仍多派正佐各員分定民落
各專責成申明約束聯絡聲勢兵力之所不到
則以民力佐之民力之所不支則以兵力助之
庶幾偵探易周而賊無潛匿之地但此事必須
乘官兵未經分駐之先辦出頭緒庶將來易於
集事是以額勒登保德楞泰與臣會合時公同
議定章程臣當卽遴委會辦軍務熟手之道府

丞倅并飭司由省揀派州縣佐雜各員指定段
落各赴差所分投辦理以廣元蒼溪南江通江
爲一段派候補道劉清總理以寧遠府知府德
福佐之並派正印官二員佐雜二十員分路經
理以太平大寧爲一段派候補道府鄭成基總
理以同知銜候補通判李在文佐之並派正印
官二員佐雜二十員分路經理以達州東鄉新

寧梁山開縣爲一段派成都府知府趙秉淵總
理以西陽州知州張星偉佐之並派正印官二
員佐雜十員分路經理以奉節巫山爲一段派
雅州府知府周景福總理並派正印官一員佐
雜八員分路經理以雲陽萬縣爲一段派知府
銜候補同知直隸州劉大經總理並派正印官
一員佐雜八員分路經理其餘忠州墊江酆都

涪州長壽江北合州定遠岳池隣水大竹廣安渠縣營山儀隴蓬州南部南充閬中昭化劍州等州縣均屬腹地幅輳較狹且將來大兵分駐後該境賊氛自遠應卽責成該地方官經理仍各添派佐雜二員幫辦此次辦理團練需員較多川省大小正佐各員多有在軍營効力出身者於防堵事宜頗多熟手均勻分配儘敷差委

凡各員分定段落後每一寨一碉挑選團練若干名派令寨首管領每伍雜一員管領寨碉若干處每正印官一員管領佐雜若干員均以各該路道府總理其事現有大小各員俱已陸續前往差所分路查點寨碉團勇造具花名清冊刊立告示條規頒發賞格約正二月間可以辦定章程此時川省大夥之賊惟苟文明一股人

數較多現有經畧叅贊兩路大兵剿辦自不難
卽時完竣卽湯劉等逆雖尙未就擒而其夥匪
無多勢極窮蹙亦與他股零匪無異彼時團練
旣成大股已完卽可將官兵分段駐劄凡遇賊
至零星無多者本寨團練卽爲堵擊附近寨硯
亦共相策應搜捕賊匪稍衆本段官兵就近剿
捕至團練人等有能斬獲匪衆及擒獻首逆者

照依賞格分別賞賚各員督率有方亦量加獎
勵所需經費由總理道府稽覈樽節支給倘有
冒功滋事及辦理不善者各治其罪設有賊匪
悔罪來投卽由該委員就近訊明若係緊要賊
首錄供稟報覈辦如係尋常竊匪卽查明籍貫
分別遞籍安插俾得各安生業不致再流爲匪
如此民團既有統率而兵力復相表裏賊匪無

遯跡之處必不能再延殘喘統俟賊氛淨盡再與額勒登保德楞泰酌量情形妥議撤兵以期一勞永逸斷不敢專恃團練稍存草率遷就之見奏入

上命軍機大臣傳諭勒保曰賊匪楊掌櫃等向墊江一路奔竄勒保督同張志林等帶兵追剿沿途殲擒賊匪二百餘名并生擒首逆張長更之弟張長

德僞總兵何祖明并楊掌櫃之妻李氏此次勒保
所剿楊掌櫃一股祇係敗殘之賊自應搜捕淨盡
卽屬善後事宜原不必待大功告竣始行辦及勒
保係該省總督所有本境內未淨零匪皆其專責
務須督率將弁隨時隨地詳細搜剿每辦一處卽
將該處廓除淨盡斷不可稍留餘孽卽大功告竣
後勒保亦無專駐省城辦理地方尋常事務之理

仍當赴深山老林一帶及賊匪平日來往潛匿處
所周歷巡查搜緝以絕根株至苟逆股匪經額勒
登保等在通江境內痛加剿殺殲擒一千餘人自
無難尅日掃除惟昨額勒登保摺內有苟逆一股
恐東竄入楚之語苟逆如果思竄入楚界自必由
川東經過勒保規督兵在彼應卽嚴飭將弁等實
力堵截但能遏其前竄之路則德楞泰等大兵從

後緊追兩路夾攻賊匪自無從逃遁可期一鼓殲
除至李彬股匪已由陝截回川境格布舍等跟剿
曾否續有勝仗并賽冲阿薛大烈等剿捕之賊如
探聞的確均卽迅速具奏又據奏派委道府分段
團練兵力之所不到則以民力佐之民力之所不
支則以兵力佐之等語此事早應如此辦理兵與
民同係蒸黎本無區別伊等均各有室家一遇賊

匪協力捍禦爲公卽以爲私是設兵固以衛民而團勇等守望相助亦與兵無異但須地方官認真團練務使聲勢聯絡用收實效勿徒作紙上空談其辦理團勇正佐各員於所管地段有能斬獲賊衆擒獻首逆者卽使該員向來居官平常此次實能出力卽當奏請加恩若心存偏向將擒獻功績移向平日能事之員以爲酬勞之具又將何以服

衆該督總當核實查辦不可稍有冒濫屈抑以昭公允

同日陸有仁奏言前自漢陰過江之賊由藍田邊境竄至鎮安雙溝一帶韓自昌恐其乘間東竄卽連夜冒雪帶兵繞至東北攔截詎該匪聞風折竄由太嵐溝奔逃至焦團溝山梁恃險屯紮韓自昌督兵分路進剿該匪胆敢放鎗擲石

抵死抗拒軍功伍敏毛貴率勇奮力仰攻搶占
山梁登時斃賊五六十名賊衆始奔入老林復
經兵勇追擊又滾崖跌斃三十餘名生擒賊目
李正並矛手龍潮等四十餘名奪獲騾馬旗幟
鎗矛百餘餘匪翻老林竄至西北車家溝一帶
韓自昌仍督同伍敏毛貴等緊躡窮追不予該
匪以片刻之暇訊據獲賊供稱此股賊匪係宋

應伏李貴成一人管領並無著名首逆在內

臣

查此股賊匪據報原止五六百人現經官兵趕上痛剿其勢已極殘敗提督楊遇春復趕至鎮安一帶分路緊追長麟惠齡已由鳳翔馳赴商州督剿自可尅日掃除斷不致蔓延東竄又劉永受股匪經通判雒昂剿敗後由鄂縣蒿溝竄至紅沙觀音山一帶慶溥雒昂現在分投兜截

其辛逆帶領之賊由梭西黑河一帶竄至沔縣
曰岩河經該縣典史謝大名督率平安等寨義
勇奮擊擒獲賊匪數名餘悉敗竄至寧羌風香
溝偏橋溝一帶經慶成帶兵趕到擒殲一百餘
名並拿獲辛逆之師曾顯章偽總兵劉學富餘
匪奔竄老林慶成現在跟蹤搜捕又西鄉邊界
之廟垭子有零匪竄入經委員余春溥督率雙

山等寨義勇用鎗礮擊斃偽先鋒譚姓並餘匪
數名賊卽折回川境

臣

已將出力寨勇酌加獎

賞又總兵穆克登布派兵至平利八仙漁棚子

一帶剿賊獲有勝仗生擒偽總兵袁思名殺斃

偽總兵艾彩堂及餘賊數十名並自行投出數

十名餘匪卽竄赴四川邊界又叅贊德楞泰剿

辦苟逆股匪已大挫賊鋒並生擒苟逆之弟苟

文舉僞先鋒苟潮獻經畧額勒登保現由通江
舊縣壩一帶抄截以期兩面夾擊一鼓殲除連
日各路捷報頻聞若苟逆大股一經辦完其他
零星之賊不難以次蕩平轉瞬新春大局即可
戡定

臣

實不勝欣祝之至奏入

上命軍機大臣傳諭陸有仁曰此時各股賊匪惟苟
逆一股人數較多昨據額勒登保奏稱苟逆被剿

之後已由開縣大寧界內東趨恐其奔竄入定但賊匪蹤跡無常見東路追剿緊急或折而北竄亦未可定是陝省邊境地方不可不嚴密防守現在寧汧一帶有慶成帶兵在彼堵剿一切糧餉供支陸有仁務須源源接濟不可稍有缺乏至漢陰過江之賊經韓自昌痛加追殺其勢已極殘敗陸有仁當飭催慶成雒昂等上緊就地剿除勿令蔓延

他竄速清陝境爲要再前據惠齡等奏賊匪偷渡過江統轄大員係總兵劉瑞朕以與陸有仁所奏不符是以降旨僅將劉瑞解任詢問今據額勒登保查明此股竄匪實係胡定泰龔鐸等疎玩所致現已將胡定泰作爲兵丁龔鐸革職枷號至劉瑞在柳溪駐劄距賊一百二十里該鎮聞賊匪竄越卽帶兵抄截尙無不合劉瑞已有旨不必解任仍

苟文明自官兵將元帥苟潮獻總兵苟文舉等
殺死無人管事打仗商量逃進老山可以躲避
官兵若官兵追進山來我們就由老林內雞鳴
寺或火山繞出大寧竄往湖北等語查雞鳴寺
火山等處俱係老山箐林該處北走卽太平之
城口高觀寺東通百里荒黃墩在在可入陝境
若出大寧之新田壩桐油壩又可直竄入楚正

籌計間又據總兵薛大烈等稟稱奉額勒登保
飭令帶兵前赴雞鳴寺貓兒梁扼據東面老山
之路苟逆知該處已有官兵迎截折向梨兒壩
並訊得逃出難民供稱苟逆又要出雲陽走陽
橋三壩過湖廣去臣以該逆既有出雲陽之供
則必由寒水壩向東出陽橋壩恐一路跟追不
但前無堵截我軍實難期其迅速與其全隊涉

險受其牽綴莫若分兵前後兜剿較爲得力

臣

卽飭令薛大烈等帶兵協同李應貴等緊跟尾

躡

臣

由榨井壩譚家壩趕緊趨行二十八日已

至大寧之朝陽洞業已抄出賊之東面扼截設

該逆竄出加當灣

臣

卽就近由奉節之紅池壩

入山抄出大寧之桐油壩仍可截其東奔入楚

之路如該逆希圖竄陝額勒登保現已移師由

大竹河城口等處搜剿零星匪兼顧陝境即可備
剿苟文明折竄毋論竄陝入楚務期根株盡絕
迅速蕩平以期戡定大局上紓

聖厪

臣

頃又連接賽冲阿溫春等來信自大寧桃木

灣安葛山殲斃劉潮選股匪七十餘名生擒三
十三名內有湯思蛟之妻傅氏偽總兵王王三柳
之妻李氏探馬頭張陞李自臣黃漢義等三名

奪獲刀矛旂幟極多因首逆先逃由開縣之長
流水趕追十五日在韓朋壩殺賊四十餘名滾
崖者數十名生擒十三名復派叅將馬元等向
漁溪溝尾追蹇冲阿溫春蒲尙佐等又向東鄉
土黃壩鏹尖壩抄截十六日兵距鏹尖壩不遠
探有另股賊匪四五百人由礮通山屯於木王
坪當卽就近分兵兩路追剿直追至五包塲殺

賊四五十名餘匪情急撲過東鄉前河我兵趕
追過河又淹斃賊匪數十名賊卽奔上對河山
梁倏忽折回奔潰遙見賊後已有官兵截殺自
上壓下係馬元由漁溪溝跟剿韓朋垵之賊前
後官兵夾擊將兩起賊匪痛加剿殺立斃賊二
百餘名生擒六十餘名餘匪無幾從旁竄走馬
家山賽冲阿溫蘇蒲尙佐等復鼓勵兵勇力追

至梨兒垭該匪又與該處屯踞匪一百多人
合夥向大秧田亮垭子逃去我兵直追至黃昏
後計行已一百八九十里勢難再進是日接仗
兩次三路官兵共殺賊及淹斃滾崖者計三百
餘人生擒六十三名奪獲馬騾二十三匹頭鎗
矛旂幟無數查出殲殺偽總兵胡斌楊大才二
人因獲犯人多未能細訊已就近全行解交東

鄉縣訊明分別辦理四鼓後仍卽帶兵由丁家
坪跟追二十日途次探得劉逆竄走開縣之茅
垭頭天馬渡一路賽冲阿等又派馬元由臨江
市左手斑竹園一碗水蝦蟆石跟追自同溫春
洞尙佐等帶兵由七星灘鐵鎖橋吳三坎抄截
二十一日追至新寧縣之仁市舖探知賊匪在
潘家槽一帶時馬元等業已緊跟賊尾前來賽

冲阿温春蒲尙佐等卽以道碗殿前進官兵行
距潘家槽不遠賊衆一見卽佔山梁經兩路官
兵前後分投仰攻鎗箭齊發斃賊二十餘名該
匪窮極遂皆四散潛匿復又分兵於山溝密林
草窩內遍搜又殺賊三十餘名生擒十七名時
已戊初天氣黑暗訊據獲犯供稱劉湖選情急
只帶十餘人先逃賽冲阿温春蒲尙佐等恐首

逆又復遠颺連夜分派兵勇巡邏二十二日黎明卽分兵遍行搜捕又拿獲賊匪十三名內有廣向瑤之子廣選正賊衆稱爲廣少師傅詢以劉逆下落亦稱各不相顧現在分兵五路令叅將沈洪遊擊賀廷印都司彭宗棟守備馬光宇千總祝鵬程等帶兵分路逐加搜捕並飛札新寧達州大竹梁山各地方官星速傳諭各處硃

寨一體嚴密搜拿能擒獲首逆者卽時獎賞並
飛飭各州縣硃寨嚴緊盤拿日內或已擒除亦

未可定再

臣

前准額勒登保來信李彬餘匪只

有百餘人苟文明路過洪口時業已合夥進山

將豐紳等所帶兵勇二千餘員名撥歸

臣

一路

協剿兵力已足剿辦惟東鄉太平開縣雲陽大

寧沿山一帶時有零星賊匪出沒晝藏夜見四

散摸椿者甚多臣現已札致賽冲阿等如將劉

逆辦完令其帶兵在開縣之何家壩榨金壩馬

家營一帶逐處搜捕零匪茲復接據薛大烈李

應貴稟報苟逆自姚成壩山內又折向秀才口

至梨兒壩時有先竄在彼之唐大信王士虎各

餘黨共六七百人合夥已北向青灣子奔逃臣

查此時剿辦賊匪如果合併一處正好聚而殲

旃臣卽就近取道入寧之紅池壩入山自東而
北向湯池壩一路相機迎截緊顧東北並飭薛
大烈李應貴等緊躡趕追不可稍存觀望以期
夾擊掃擒奏入

上命軍機大臣傳諭德楞泰曰德楞泰湊荷逆一股
由開縣竄走姚成壩圍攻糧臺勢極危急經德楞
泰派兵馳救殲獲多名一面飭薛大烈等緊躡賊

蹤一面自行帶兵趕至大寧朝陽洞已抄出賊之
東面迎截所辦甚好苟逆一股經官兵節次剿殺
現在賊數已不滿二千其勢自漸覺潰敗但該逆
尙能派出戰手數百人圍攻姚成寨糧臺設或官
兵馳救稍緩寨砦竟被攻破勢必裹脅寨民搶劫
糧石羸馬賊勢又致鴟張不可忽視此股賊匪著
專父德楞泰剿辦務當督率弁兵上緊奮剿并嚴

飭薛大烈等緊躡前進以期兩面夾擊一鼓殲除
設該匪被剿情急竄入陝楚邊界德楞泰亦應緊
躡前往迅速辦淨勿再延緩又賽冲阿等追剿劉
潮選一股連次接仗殲殺賊匪三百餘名生擒六
十餘名該匪逃至新寧地方窮極四散劉逆只帶
十餘人潛逃自不值以大兵剿辦惟當派委員弁
嚴密搜捕以期就獲或徑交地方官查拿亦可賽

冲阿等既將此股剿剩無幾卽首逆經他人盤獲
亦係賽冲阿等剿辦之功至東鄉太平開縣大寧
沿山一帶摸搭賊匪往來無定若不速行剿盡該
匪乘間裹脅必致聚成大股總當就地廓除勿留
餘孽所有此次殺賊陣亡之把總袁斌着咨部賜
卹

上又命軍機大臣傳諭吳熊光曰據德楞泰奏苟文

明股匪在姚成寨被剿向梨兒壩一帶東竄商量
逃入老林繞出大寧竄往湖北又大寧之新田壩
桐油壩雲陽之陽橋三壩俱可竄入楚境現在德
楞泰督兵趕至大寧之朝陽洞業已抄出賊之東
面扼截但賊匪詭計異常兼之大寧雲陽一帶山
路叢雜該督等務須將楚省邊境一帶嚴密防堵
以便德楞泰乘勢夾擊就地殲擒若稍有疎虞令

賊匪闖入楚境惟吳熊光等是問本日馬慧裕奏
報湖南捐監銀數朕不待該督等奏請卽諭令馬
慧裕撥銀十萬兩解赴湖北歸入軍需項下支用
該省得此接濟糧餉益臻充裕惟當督率將弁不
分畛域實力防剿以期迅奏膚功

上又命軍機大臣傳諭馬慧裕曰湖南省現存捐監
銀十一萬九千七百餘兩著撥十萬兩解赴湖北

交吳熊光等收貯歸入軍需項下動用